

ւորս և մեծամեծս քաղաքին կատարել զինդիրս Հայոց , մինչ 'ի գալուստ հրովարտակի նոցին , որ յուսայր լինել 'ի ճանապարհի . վարեացին ապէ ըստ առաջին սովորութեան : Յետ ընթեռնելոյ զայս գիր 'ի դատարանի՝ ուր էր և Աւետիս Թարգմանն , գրեաց Դատաւորն առ Թէոդորոս Պատրիարք , առնել զամենայն ինչ ըստ հրամանի Կուսակալին , եւ նա ետ գնել զպատկեր Լուսաւորչին 'ի վերայ դրան Գերեզմանին Քրիստոսի կանթեղաւն , և զայլս յիւրաքանչիւր տեղիս՝ յաւուր Մաղկազարդի եւ պատարագեցին 'ի վերայ Գերեզմանի Ս . Աստուածածնի ('ի 6 Ապրիլի) յուրախութիւն միաբանաց և ուխտաւորաց տարւոյն , և ծանոց զայսոսիկ ազգայնոց 'ի Կոստանդինուպօլիս : Յոյնք զչարեալ առ այս՝ աճապարեալ զրեցին առ Կուսակալն ամբաստանութիւն զՊատրիարքէն Հայոց , եւ առաքեցին 'ի Դամասկոս զարս երիւս , ընդ որս էր և Սոճաքեանն , և չորջեցին զմիտս Կուսակալին 'ի կողմն իւրեանց , և առին գիր հակառակ առաջին գրոց . և դարձ արարեալ անտի մտին յերուսաղէմ յաւուր ձրադալուցի Զատկին . և պահեալ ըզգիրն՝ խաղաղութեամբ կատարեցին ընդ Հայոց զհանդէս լուսաւորութեան . յորմէ կասկածէին Հայք լինել խռովութեան եւ էին յերկիւզի : Եւ ապա ետուն ընթեռնուլ զգիրն 'ի դատարանի , որպէս և գրեալ էր նա ինքն Կուսակալն առ Թէոդորոս Պատրիարք , եւ դարձեալ խափանեցին զպատարագն Գերեզմանի Ս . Աստուածածնի , եւ բարձին զպատկեր Լուսաւորչին , և զկանթեղսն 'ի տաճարին Ս . Յարութեան , և կամէին խափանել նաեւ զպատարագեւն Հայոց յիւզարեւրից սեղանն , բայց Հայք ընդգիմացան ընդ այն և կատարեցին :

Ի բովանդակ նամականիս Թէոդորոս Պատրիարքի , զորս գրեաց 'ի միջոցիս յայսմիկ առ զլիսաւորս ազգին եւ առ Փոխանորդն իւր 'ի Կոստանդինուպօլիս , ոչ այլ ինչ պատմին , բայց եթէ վիշտք , դառնութիւն , դաւաճանութիւն , զրկանք , տուգանք պէս պէս , անտանելի նեղութիւնք , դժուարակիր և դառն աղքատութիւն , (1810 . 'ի 25 Մարտի) :